

TARIKH	3 / 9 / 2012	SEKSYEN	Nasional
MUKA SURAT	18	RUANGAN	Nasional

Bakal haji perlu patuhi arahan

SHAH ALAM – Semua bakal haji yang akan mengerjakan ibadat haji perlu mematuhi segala peraturan dan arahan pentadbiran hal ehwal haji yang dikeluarkan Kerajaan Arab Saudi.

Pengarah Urusan Kumpulan dan Ketua Pegawai Eksekutif Lembaga Tabung Haji, Datuk Paduka Ismee Ismail berkata, bakal haji tidak dibenarkan menubuhkan kumpulan untuk berhimpun dengan tujuan untuk menjalankan upacara khusus mengikut fahaman fanatik dan taksub terhadap aliran tertentu dan sebagainya di Masjidil Haram dan Masjid Nabawi.

Demikian kenyataan beliau dalam ucapan di Majlis Penutupan Kursus Perdana Haji Musim Haji Tahun 1433H/2012M Peringkat Negeri Selangor yang di-



Ismee (tiga, kanan) di Majlis Penutupan Kursus Perdana Haji Muslim Haji Tahun 1433H/2012M Peringkat Negeri Selangor yang disempurnakan Sultan Sharafuddin (tengah), semalam.

sempurnakan Sultan Selangor, Sultan Sharafuddin Idris Shah di Masjid Negeri di sini, semalam.

Ismee berkata, tahun ini, seramai 4,500 bakal haji dari Selangor terpilih mengikuti Kursus Perdana ini di mana penerbangan ke tanah suci tahun ini akan bermula pada 17 September 2012 dan berakhir pada 19 Oktober 2012.

Beliau berkata, dalam usaha membantu bakal haji Malaysia memperoleh Haji Mabrur, Tabung Haji menyediakan dan melaksanakan pelbagai kursus seperti Kursus Asas Haji, Kursus Intensif Haji serta Kursus Perdana Haji kepada mereka.

“Sebagai usaha penambahbaikan berterusan pada tahun ini, Tabung Haji

telah mewujudkan talian khas yang boleh dihubungi oleh jemaah untuk bertanya hal ehwal ibadat haji semasa di tanah suci yang dikenali sebagai Talian Ibadat (Taib)” katanya.

Beliau berkata, e-book Tabung Haji juga dilancarkan awal tahun ini bagi membolehkan bakal haji mendapatkan bahan penerbitan ibadat haji secara online.